



[www.BibleForChildren.org](http://www.BibleForChildren.org)



Mojsija 6




Akavai o zapis oto Noje: O Noje  
inele pravedno manuš, bizi  
mana maškaro manuša kola  
žvinde lese ano vreme, hem  
čerda okova soi pali e  
Devlesiri volja.




O Devel dikhla da i phuv inele  
rumime, adalese so sa o  
manuša ki phuv ruminde pe,  
pa phenda e Nojese:


“Odlučindum te uništinav sa e  
manušen, adalese so i phuv  
pherdili nasilje  
zbog  
olende.”



Ače, ka uništinav len zajedno e phuvjaja.  
Adalese ćer tuće barka oto kaš čempres.  
Ano late ćer pregrade, a avrijal hem andral  
makh la smolaja.




Ađahar ćer la: nek ovel  
šelu trijandu pandž  
metarija glego, bišu duj  
metarija buli hem  
dešu trin  
metarija uči.



“Le tuja sa o vrste oto hajba  
hem arakh ani barka,  
te ovel hem tuće hem  
olende zako hajba.”




A oto svako dživdo biće čiv tuja ani barka po dujen,  
murše hem đuvlja, te preživinen tuja.




Oto sa o čista životinje le tuja po efta  
parovija: murše hem đuvlja, a oto  
nečista životinje le po jekh  
paro: murše hem đuvlja.






I o Noje đerdinda  
ani barka pla romnjaja,  
ple čhavencar hem  
lengere romnjencar,  
te spasini pe oto potop.





Kad e Noje ine šovšel berš, ko  
dešu eftato dive oto dujto  
masek – ko adava dive sa o izvorija  
tali phuv lelje zorale te ikljon naupre hem  
o brane e nebosere phravdile.





O bršim pelo ki phuv saranda  
dive hem saranda raća.




O pani barilo hem vazdinda pe uče  
oti phuv, a i barka plovini ine  
upro pani.




Edobor zorale o pani uštino upri phuv da učharda sa o naj uče planine talo nebo. Ko kopno mudardilo sa so ana peste inole o dah e dživdipnasoro.




O Devel na bisterđa upro Noje hem upro  
sa o divlja životinje hem i stoka save  
inele oleja ani barka, pa ćerđa i barval te  
phudel upri phuv, hem o pani  
lelja te cidel pe.



Palo saranda dive, o Noje phravđa o prozori  
savo ćerđa ki barka hem muklja




avri e gavrane. O gavran  
odletini ine hem irini pe sa  
đikote sa o pani na cidinda  
pe tari phuv. Tegani o Noje  
muklja hem e golubica, te  
dikhel da li o pani cidinda pe tari  
površina e phuvjakiri.



Đi ko bišu eftato dive oto dujto masek i phuv inele  
skroz šuki. Tegani o Devel phenda e Nojese: “Ikljov  
tari barka, tu, ti romni, te čhave hem  
lengere romnja.”



Tegani o Noje vazdinda žrtveniko e GOSPODESE, i  
lelja oto sa o čista  
životinje hem oto  
sa o čista čiriklja  
hem adathe žrtvujinda  
len sar žrtve paljenice.



O Devel phenda:  
“Akavai o znako  
oto savez savo  
phandava tumencar  
hem svakone dživde  
bićeja savoi tumencar, zako  
sa generacije save ka aven:

Čhivđum mli duga  
ano oblaci te ovel  
znako oto savez  
maškara mande hem  
i phuv.”



“Kad god ka  
bičhalav oblaci upri  
phuv hem upro  
lende ka dičhol i duga,  
ka setinav man oto mlo  
savez tumencar hem  
svakone dživde bićeja.


Hem nikad više naka  
ovel potop savo bi  
uništini sa e  
dživde bićen.”



Tegani o Devel  
blagoslovinda e Noje hem lesere  
čhaven, vačerindoј: “Oven plodna  
hem množinen tumen hem  
pheren i phuv.”



“A e Nojesere čhave,  
kola iklile oti barka, inele: o Sim,  
o Ham hem o Jafet. (O Ham inele  
dad e Hanaanesoro.) Adala trin  
inele e Nojesere čhave hem  
olengere potomci širinde  
pe ki sa i phuv.”



Adalese so, o Devel edobor volinda e  
manušen taro sveto da dinda ple  
jekhore Čhave, da svako kova  
verujini ano leste te na merel,  
nego te ovel le večno dživdipe.



Rimljanenđe 3:23 Adalese so, sare grešinde hem našalde i  
slava e Devlesiri,

Rimljanenđe 6:23 Adalese soi i plata zako greh meriba, a  
daro e Devlesoroj večno dživdipe ano amaro  
Gospod Hrist Isus.

Jevrejende 9:27 Hem sar soi e manušende odredime  
jekhvar te meren, a onda te ikljon ko sudo e Devlesoro,

Efežanende 2:8,9 Adalese so, pali milost injen spasime  
prekali vera. Adava na avela oto tumaro trud, adavai e  
Devlesoro daro. Na injen spasime zbog tumare delja, sar te  
našti nijekh hvalini pe.



Rimljanenđe 10:9,10 te priznajineja te mujeja dai o Isus  
Gospod hem vileja verujineja da o Devel vazdinđa le taro  
mule, ka ove spasime. Adalese so, vileja verujini pe zako  
opravdanje, a mujeja priznajini pe zako spasenje.

Jovan 3:16,17 Adalese so, o Devel edobor volinđa e  
manušen taro sveto da dinđa ple jekhore Čhave, da svako  
kova verujini ano leste te na merel, nego te ovel le večno  
dživdipe. O Devel na bičhalđa ple Čhave ko sveto te  
osudini e manušen, nego o manuša te oven  
spasime prekalo leste.

1 Jovan 5:11-13 A akavai adava svedočanstvo: o Devel  
dinđa amen večno dživdipe, hem adavai dživdipe ano  
lesoro Čhavo. Kas isi e Čhave, isi le dživdipe. Kas nane e  
Čhave e Devlesere, nane le dživdipe. Akava pisindum  
tumende kola verujinena ano anav e Devlesere Čhavesoro  
te džanen da isi tumen večno dživdipe.



# Mojsija 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Romani Arli Bible (rmn) CC BY SA

<https://www.bible.com/en-GB/bible/3606/MAT.1.RAB>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

